

DISSERTATIO ACADEMICA,

DE

SINGVLARIBVS QVIBVSDAM
ET ANTIQVIS

IN HASSIA IVRIBVS,

QVAM

IN INCLVTA ACADEMIA MARBVRGENSI

PRÆSIDE

IOHANN. WILHELMO

Baldschmiedt /

U. J. D. Professore Juris & Philosophiæ Practicæ
Ordinario,

AD DIEM XVIII. Martii. MDCCXVIII.

IN AVDITORIO ICTORVM

PVBLICÆ VENTILATIONI SVBJICIET

IOHAN. JACOBVS HENCKE /

Marburgensis-Haffus.

MARBVRGI CATTORVM,

Litteris, PHILIPPI CASIMIRI MÜLLERI, Acad. Typog.

PERILLUSTRI & EXCELLENTISSIMO
DOMINO,
DN. JOH. JACOBO
LINCKER,

S. R. J. Equiti & Nobili

DE

LÜTZENVVICK,

*Hereditario Domino Praefecturae Denstadiensis &
Nieder-Tieffenbacensis,*

EMINENTISSIMI ELE-
CTORIS MOGUNTINI

*Sanctioris Admissionis, nec non Regiminis Electoralis Er-
fordiensis* CONSILIARIO Splendidissimo,

S A C R U M!



PERILLUSTRIS & EXCELLENTISSIME
DOMINE.

PATRONE MUNIFICENTISSIME!



Um Perillustri Nomini TUO *præsentem tabulam votivam, in animi gratissimi munus synon, eâ, quâ par est reverentia, suspendere audeo, Veterum, Romanorum in primis, institutum succurrit, quò primitias, aliæque laborum suorum specimina, Diis tutelaribus sacra nuncuparunt. Ut alia nunc omittam, memoria præditum legi, eos, qui literas proficiebantur, solennia sua dona, lyram, plectrum, carmina, Deorum templis intulisse. Constat etiam sub illis fabularum involucris Antiquitatem, & beneficiorum multitudinem Deorum numerum effinxisse, & eos, qui singulari aliquo beneficio de genere humano optimè promeriti essent, cælestium numero inseruisse. Quod si itaque Romani, Mæcenatibus suis, tanquam Diis beneficiis, ingenii sui factus, obsequi & grati animi testes nuncuparunt; ut præsens Specimen Academicum,*
Perillustri

❧ ❧ ❧ ❧

Perillustri Nomini-TUO inscriberem, me plane obstrictum, & obligatum existimaui. Quantis enim faventissimi Animi signis, ut Avunculus, & è S. Baptismatis Fonte Susceptor Venerandus, me affeceris, quot beneficiis, ut Patronus munificentissimus, me ornaveris, ob numerum & amplitudinem eorum eloqui non possum. Quid FAVORI TUO reddam, non habeo, nisi exigua hæc ingenii manera, quibus pietatis, obsequii, & gratæ mentis publicum aliquod monumentum exstruere volui. Vile est, quod beneficiis maximis retribuo, si illud è dignitate sua æstimetur, majus erit, si à devotissimâ, quâ offertur mente, pretium aliquod eidem accedat. Accipe igitur benevola Mente, Manuque, hanc beneficiorum recordationis, perpetuæque venerationis tesseram, & inter omnigenæ prosperitatis multiplices fructus beatissimè perenna, id quod intimis sensibus devotè vovet,

PERILLUSTRIS & EXCELLENTISSIMI
NOMINIS TUI

Servus & Cultor addictissimus

JOHANN. JACOBUS HERBER.

quoties ignorantia juris vel facti invincibilis, communicantem excusat. (f) Nihilo secius præfata Bulla non solum differre memorat, sed & si ultra tenorem juris communis, ad instar privilegii, quidquam operari debuit, omnino supponit, Marburgum nostrum, rudioribus istis seculis, vel idèò censuram Ecclesiasticam, quin & ipsam excommunicationem aliquoties incurrisse, quòd excommunicatus, Magistratu Civibusque inficiis, ibidem pernoctaverit, aut substituerit. Quare non aliud superest, quàm ut dicamus, Bullâ isthâc, munimentum aliquod adversus abusus nonnullos, & extensiones canonum injustissimas, pro captu illorum temporum, quæsitum, & obtentum fuisse. (g) Deinde & illud accedit, quòd intuitu *Juris Placiti*, cujus observantiam in Hassia, supra adstruximus, ejusmodi munimento haud opus fuerit. Ast enim verò, quemadmodum aliàs jus quæsitum, non semper adversus vim prævalentem satis efficax existit, ita dubium non est, turbas è censuris Ecclesiasticis, ultimis ante Reformationem seculis, in Hassia non raro subortas, ansam dedisse, ut & hoc qualecunque remedium, iisdem oppositum fuerit. Quicquid denique ejus sit, Jus circa Sacra, per Pacificationem Religiosam, aliasque Leges Publicas, Principibus & Statibus Protestantibus plenissimè assertum, Ecclesiarum libertati firmamentum longè fortius circumposuit, quàm ejusmodi diplomatibus olim accessit, aut accedere unquam potuit.

(f) Vid. *Can. 102. & seq. C. XI. Quest. 3.* Lancelot. *Institut. Jur. Canon. Lib. 4. Tit. 13. §. 29.* ibique Ziegler. Marc. Ant. de Dominis *de Rep. Eccles. Lib. V. cap. 9. §. 29.*

(g) Hæc talia in ignorantes quoque, invitis licet canonibus, non raro statuta fuisse, *d. can. 102.* pariter subindicat.

CAPUT TERTIUM,

DE

Bonorum distinctione, eorum in primis, quæ certis præstationibus obnoxia.

§. 1.

QUemadmodum diversitas bonorum, in Hassia sitorum, argumenti, quod tractandum suscepimus, partem longè amplissimam & uberrimam constituit; ità, dum plura addere, hâc vice non licet, paucissimis hisce lineis, viam ad sequentia munire, unicè intendimus; quò sic, data occasione, vel in generalioribus pergere, vel specialiora etiam seligere queamus. Et quidem, ut ea nunc omittamus, quæ de bonorum distinctione è Jure Communi (h) dici possent; multiplicem eorum diversitatem, ut in reliqua Germania, ità in Hassia quoque deprehendi, nemo nisi hospes ignorare poterit. Idem, si alia deficerent, Rescripta Principalia, *supra pag. 12. & 15.* memorata, satis evincunt: in illis Magistratibus Civitatum, aliisque Præfectis injunctum fuit, ut in conquirendis Hassiæ consuetudinibus, seorsim dispicerent, was an jedem Orth vor Stamm- und Erb- rückfällige und erkoberte Güter / fahrende Haabe / Vesserung und dergleichen / dem Landbrauch nach / biß dahin geachtet worden seye.

§. II. Nec minus circa bona, certis præstationibus obnoxia, multæ variæque differentiæ, in Hassia quoque inveniuntur. Ea enim, quæ Celeb. Dn. Ludvig, *supra* laudato Tractatu de *Jure clientelari Germanorum in feudis & coloniis*, quoad reliquas Germaniæ Regionēs, eruditè & solidè deduxit, magna sui parte, Hassiæ quoque conveniunt, quin & è Patriæ institutis, egregiè illustrari & confirmari possunt.

Dum

(h) Vid. Celeb. Dn. Cocceji *Dissertat. de Distinctione Bonorum.*

Dum non solum è speciebus istiusmodi bonorum, *d. l. pag. 139. & 161.* maximo numero relatis, complures & in Hassia deprehenduntur, sed & nonnullæ eidem recensui superaddi, ac suppleri exinde possunt: eoquæ inprimis pertinent, die in *Hessen befindliche Lehen = Hueben = Röther = Landsiedel = Hintersiedel = Brieffgüter / Güter zu Walldrecht / Meyer = Erbyins = Grundyins = Zinsgüter / &c. &c. &c.* Quorum omnium originem, naturam & indolem investigare, singula ab invicem distinguere, & ad suam classem revocare, è monumentis antiquioribus, & usu Patriæ forensi illustrare, prolixam, & perdifficilem exposcit operam.

TANTUM!

COROLLARIA.

Querela inofficiosi testamenti est species hereditatis petitionis, non remedium quoddam præparatorium.

II.

Exheredatione liberorum aut parentum non ritè factâ, testamentum, quoad institutionem, ipso Jure nullum est.

III.

In fratrum exheredatione, ut causâ disertè exprimatur, non æquè requiritur.

IV.

Matris præteritio hodiernum pro exheredatione est, modò dispositio *Novellæ 115. cap. 3.* observata fuerit.

V.

Actio Pauliana, realibus minus rectè accensetur.

VI.

Correctio textus, & confessio antinomix, meritò equidem non aliter, quàm pro sacra anchora, & ultimo refugio adhibentur.

VII.

Nihilo tamen secius, in *§. fin. 7. de Nuptiis* verba finalia ità immutanda esse; *Quod ei, similiter aliis liberis, qui ex eodem matrimonio postea prognati fuerint, nostra Constitutio præbuit,* Muretus non temerè contendit.

Et in §. 6. 7. de *Oblig. ex delict.* verba finalia, ad rem judicatam, inter veteres percelebrēm respicere, indeque loco verborum, *in aciem*, substituendum esse in *Arctiam*; defendemus: ut ut Theophilus jam tum, vulgatam lectionem exprefferit.

Beneficium l. 4. *Cod. de tempor. appellat.* cum regulis Prædientiz Civilis non satis convenit.

Actione negatoria convento, etiamsi in quâ possessione servitutis constitutus sit, probatio regulariter incumbit.



GRATULATIO VOTIVA,

Ad

Nobilissimum ac Doctissimum Dominum,

DN. JOAN. JACOBUM HENRICH,

Jurium Studiosum.

TE gerere *Autumni* nomen, meminisse juvabit;

Namque Tuum nomen forsitan omen habet.

Sicut dat varias fruges *Autumnus*, & implet

Dotibus innumeris horrea, tecta, cados.

Sic Tuus *Autumnus*, studiorum mense repletus,

Innumeras profert mentis & artis opes.

Testis erit nobis hæc DISSERTATIO DOCTA,

Quam variis donis messis opima beat.

Gratulor hos fructus, semper quos opto perennes;

Sic hyemis nunquam frigora sæva prement.

JOAN. CASP. SANTOROCCUS,

Profesf. Academ. Marburgensf.

Corrigenda.

Pag. 1. lin. 9. Brunswico l. Brunsvico Pag. 2. lin. penult. Canonici l. Canonico pag. 3. lin. 25. anno 1273. l. anno 1272. pag. 7. lin. antep. Solide l. solide. pag. 12. lin. 22. l. 21. l. §. 1. pag. 24. lin. 4. a fine Cap. 9. l. cap. 12.



DISSERTATIONIS
DE
Singularibus quibusdam & Antiquis
IN HASSIA JURIBVS.
P R Æ F A T I O.



uanquàm lemma huic Dissertationi præscriptum à
notissimo Tractatu, *de singularibus quibusdam &
antiquis in Germania Juribus*, quem *Justus
Georgius Schottelius, Consiliarius Brunsvico-
Luneburgicus*, anno 1671. primùm edidit, mu-
tuati sumus; ipsum tamen institutum nostrum, ab
illis rationibus diversum esse, quilibet faciliè anim-
adverteret Etenim prælaudatus Autor è Germa-
nia universa, tum & in specie Ducatu Brunsvicensi, sua, quæ protulit,
observata selegit. Nobis verò unicè constitutum est, sub præfato
rubro, singularia nonnulla & antiqua Jura, quæ in Principibus Has-
siae viguerunt olim, aut etiamnum vigent investigare; eaque è mo-
raumentis mediæ ævi, tum & usu hodierno Patriæ forensi illustrare.

A

Et hunc

Et hunc conatum nostrum, ab æquis rerum æstimatoribus non improbatum iri, tanquò magis confidimus, quo certius est, quòd Patriæ monumenta, ea nobis suggerant instituta, quorum nonnulla Jura Germaniæ universalia confirmare valeant, reliqua verò singulatia, scorsim expendi, omninò mereantur. Inter alia nimirum incrementa, quæ Jurisprudentiæ, inde à pluribus lustris in Germania accesserunt, non minimum illud est, quò Jura patria magis magisque excoli, & in claram lucem protrahi cœperunt. Cum enim superioribus seculis, intempestivo studio, Jura ista, Germanis domestica, ad amissum juris exotici examinandi & reformandi, eadem paulatim oblitterata, quin & neglectis fontibus genuinis haud parum conturbata essent, recentiori demum ætate contigit, ut post Conringii, Gryphiandri, Schottelii, Schilteri egregios labores, complures alii Jcti, id egerint, ut Jura Germanica, è pulvere quasi resuscitarent; (a) quin & ca,

(a) Illorum equidem sententiam nec sequimur, nec probamus, qui Jura Germanica obsoleta, vel idèò revocanda esse contendunt, quasi ab illorum neglectu tot mala in Germaniæ fora immigraverint, quibus non melius consuli possit, quàm si posthabitis Legibus in peregrino solo natis, omnia ad pristinas Legum & consuetudinum Germanicarum rationes reducantur. Quin potius ultro agnoscimus, reductionem istam pro præsentis temporum facie, ne quidem suadendam, nedum sperandam esse; idque ob statum Germaniæ hodiernum, ab antiquo illo, in omnibus suis partibus nimium quantum diversum, Legum præscarum incertitudinem, consuetudinum particularium varietatem, admixtas conclusiones è fontibus alienis derivatas, ignorantiam prudentiæ legislatoriæ, adeque subortos defectus, æquabilitatis, justæ proportionis &c. quam in rem non contemnenda collegit argumenta Hoffmannus de *Origine & Natura LL. Germanicarum antiquarum, earumque habitu ad statum præsentem, Cap. 3.* Eò tamen non obstante, studium patrii Juris & obsoleti, & etiamnum vigentis utilissimum esse, plurimumque & hic referte credimus, ut nihil antiquitatis penitus ignoretur, quamvis enim tempora, aliæque causæ in una alterave parte quid immutaverint, omnia tamen, ad indolem primævam etiamnum respiciunt, ad quam exigenda, explicanda & restringenda illa etiam sunt, quæ mutationem aliquant subierunt. De cetero Juri Romano, & Canonici justum pretium statuere nunquam desistemus.

& ea, quæ in observantia totius Imperii, aut singulatum quarundam Regionum, hætenus persistierant, historiâ, velut *lucæ veritatis* illustrarent, eâque duce, fontibus errorum, omnisque generis corruptelarum, è longæva hominum praxi, plenius detectis, ad vividam rerum civilium cognitionem tantò felicius pertingerent. Idem verò Doctissimi Viri, qui huic operæ hætenus insudârunt, & agnoverunt ipsi, & alios admonuerunt, (b) vix ullam huic instituto aliquando perficiendo, certiotem superesse viam, quàm si è singulis Germaniæ Regionibus consuetudines, & Jura singularia in medium producantur, & invicem conferantur ac contendantur,

Horum expectationi, intra spatia, exercitationibus Academicis præfinita, à nobis satisfieri non posse, facile equidem agnoscimus. Nihilo tamen secius, illorum monitis excitati, & Patrii Juris amore ducti, istiusmodi speciminibus primas argumenti propositi lineas ducere, animum induximus: curas maturiores, perfectioremque tractationem, in aliud tempus differentes. Ipsa verò destinata nostra, hæc ratione componere allaborabimus, ut non tantùm Consuetudines & Jura singularia per universam Hassiam, vel olim, vel etiamnum vigentia, sed &, quæ unam alteramve Præfecturam attinent, nec non quæ Urbibus nonnullis per modum privilegii quæsitæ sunt, unâ cum notabilioribus institutis circa Judicia, per satutam, & prout occasio se obtulerit, exhibeamus. Annuat proposito Deus T. O. M. faveat- que Lector!

[b] Conf. Celebrerr. Dn. Ludwig, Jcti de Jure & Historia Germ. præclare meriti, erudit. Commentatio, de *Jure Chentelari Germ. in feudis & colon.* Sect. I. cap. 1. §. 3. lit. g. & Sect. 3. cap. 1. §. 4. lit. r.



CAPUT PRIMUM,

DE

*Juribus in Hassia & olim, & hodie-
num usitatis in universum.*

§. I.



attos, armorum gloria inclutos, jam tum antiquissimò ævò Jura sua habuisse, ad quorum normam vitam componerent, res ipsorum, ut foris, ità quoque domi præclare gestæ, quas *Annalium* conditores nobis exponunt, neminem dubitare sinunt. Paucissima equidem sunt, quæ de Legibus veterum Germanorum in universum, è monumentis ab exteris (c) consignatis hodiènum colligi possunt. Et circa notissimum illud testimonium, quod Tacitus Majoribus nostris perhibuit, *bonos mores, apud eos plus quàm alibi bonas leges valuisse*, complures subsistunt, annon institutà comparatione, ex præconcepto odio erga statum Reip. Rom. prout suo tempore se habebat, ità magis locutus sit, quàm quòd barbaræ gentis moribus, ad normam justì examinatis, promeritam laudem tribuere voluerit. (d) Nihilo tamen secius, vel solus judicio-
rum vi-

(c) Græcis nimirum & Romanis: quæ enim exinde hauriri nequeunt, haud dubiè ignoramus. Unde faciliè judicari poterit, quid de *Turconis*, *Man-ns*, *Hermionis* &c. Legibus, ab Aventino & Goldasto productis sentiendum sit.

(d) Conf. Hoffmann, *d. l. periodo. 2. lit. b.* Ut jam de eo non dicamus, antiquissimos Germanos, propter barbariè, cultiorisque vitæ ignorantiam, nec veræ virtuti studuisse, indeque ad *Ausias*, aliosque novos prolapsos esse. Vid. Hoffman *d. l. periqd. 2. §. 4. lit. b.* Observat. Hallens. *Tom. 6. Observ. 7.*

rum vigor (c) quin & Sacerdotum ac Conciliorum auctoritas, (f) iisdem Scriptoribus memorata, Legum sanctionem, Germanis observatam, arguunt & evincunt, ut ut eadem & paucæ, & in scripturam haud redactæ fuerint. Ea verò, quæ de Germanis, intuitu Legum in genere dici possunt, & Cæcis in specie, vel maximè tribuenda esse, nemo facile negabit. Nonnullarum quoque consuetudinum, in Hassia etiamnum vigentium, natales & origines, è monumentis istis, ad antiquissimum ævum spectantibus, cognosci posse, alibi specialius demonstrabimus. (g)

§. II. Ex quo deinceps *Catti* cum pluribus aliis Germaniæ Populis, assumpto *Francorum* nomine, in unum civile corpus coalescerunt, (sicque iisdem sæpe in armis victores, idem quoque imperium conjunxit) instituta & jura sua domestica, perinde ac alii populi in Francorum ditionem concedentes, haud dubiè retinuerunt. (h) Quemadmodum verò incrementa Regni Francici per *Cattos* vel maximè promota esse, aliunde constat; ità quoque tantò minus dubitandum eosdem Majores nostros, Leges Francorum comiter insimul observasse. Non equidem nunc vacat, ut de Lege Salica & Ripuaria, earumque natali solo, nec non de Capitularibus Francorum seorsim hîc differamus; illud tamen prætermittere non possumus, memoriam istarum Legum serius & sub finem Seculi XIII. in Hassia nostra conservatam fuisse: id quod memorabile Diploma, quod **HENRICUS** Hassiæ Landgravius (cognomine *Infans Brabantiae* dictus, *Serenissimæ Familiae Principalis* Restaurator Augustus) Civibus Grumbergensibus (i) anno 1273. in festo S. Galli dedit, sequentibus verbis initiali-

A 3

bus lu-

(c) Conf. Conring, *Exerc. de Judiciis Reip. Germ.* §. 12. & 17. Et de *Orig. Juris Germ.* cap. 1.

(f) Vid. Tacitus de *M. G.* cap. 7. & 12. Julius Cæsar de *Bello Gall.* Lib. VI. cap. 8.

(g) Add. Dissert. nostra de *Hominibus propriis Hassiacis* cap. 3.

(h) Conf. Hertii *Notit. Regni Franc.* cap. 5. §. 28.

(i) Oppidi notissimi, in Langraviatu Hassio-Darmstadiensi hodiernum siti.

bis luculenter evincit: *In nomine sanctæ & individue Trinitatis. Noverunt in perpetuum universi presentis pagine inspectores, quod Nos Heinricus Dei gratia terre Hassie Dominus, una cum Adelheidi Landgravia conjugata nostra, ex matura deliberatione & prudentum consilio concedimus dilectis civibus nostris in Grunenberg, gaudere juri-
bus subscriptis, quibus gavisi dicuntur à temporibus retroactis.*

Dicunt itaque se Francones esse & propterea sortiti sunt jus Franconum &c.

An verò hæc verba, ad subsequentiâ diplomatis contenta, iisque civibus Grumbergensibus concessa & instaurata jura se referant, an potius in genere ad libertatem, Francis originariis dudum olim quæsitam, & Legibus istis firmatam respiciant, speciali disquisitioni, alibi instituendæ, reservamus. De cætero, licet memoria LL. Francicarum, dictis temporibus in Regionibus Germaniæ nondum penitus oblitterata fuerit, (k) certum tamen omnino est, eas ex illo inprimis tempore, quo Procures Germaniæ, ad excelsum, & sublime illud fastigium, in quò hodie positi sunt, assurgere cœperunt, paulatim antiquatas fuisse, indeque manibus hominum excidisse: (l) Abhinc enim Regio-

num

(k) Ità de Lege Salica, Baluzius in probationibus *Historia Bressiana*, pag. 5. & 215. testatur eam annis 1185. & 1296. apud Lugdunensis, & Erisburgios adhuc in usu fuisse, statim verò addit: non ità multum post, ne quidem nomen ejus, inter Francos vulgo notum fuisse. Sub Friderico I. tamen nobilissimos Salicos legem istam adhuc observasse, notavit Otto Frisingensis, lib. 4. cap. 32. Memoriam & auctoritatem *Capitularium*, decretum Ottonis M. datum apud Francofurt. anno 952 adhuc conservavit, vid. appendix L. ad *Reginonis tract. de disciplina Eccles.* cujus tamen fidem nonnulli in dubium vocant.

(l) Conf. Hertius de *Consulat. LL. & Jud. §. 13.* Baluzius in *prefat. ad Capitular.* libros qui tamen antiquitatis venerationi nimium indulsisse videtur, quando §. 1. d. *prefat.* existimavit, publicam regni Germanici calamitatem, istius avi, præter ceteras causas, etiam ex neglectâ disciplina in *Capitularibus præscripta*, ortum traxisse.

num Domini, legislatōriam potestatem sibi vindicare; & prout maiorum ac commodorum sensus, per subjectas sibi regiones, ad ipsos citius pertingebant, ita quoque subditis suis, variis ordinationibus & Legibus prospicere cœperunt. Accedebant turbulenta & bellica tempora, quibus Germania, inde à Seculo X. sapius involuta fuit. His omnibus factum, ut publicis Regni conventibus aliis plane negotiis occupatis, post tempora Ottonis I. (m) usque ad Friderici II. ætatem, parum de LL. universalibus, ad privatos pertinentibus, in monumentis mediæ ævi deprehendamus. Quæ omnia & intuitu Hassiæ nostræ haud dubiè usuvenerunt, cuius mores & Jura domestica, tantò certius in suo vigore persisterunt, (n)

§. III. Eâdem planè ratione, postquam securis temporibus, Jus Canonicum & Civile exemplo cæterarum Regionum in Hassia quoque recepta fuerunt, Jura, quæ diximus, domestica ne sic quidem vim suam penitus amisère: prius verò, quàm hoc demonstramus, de tempore, quo Jura ista exotica, Patriæ nostræ se insinuârunt, nonnulla præmittere, non abs re erit. Constat nimirum, in eo quidem plerosque convenire, quòd Jura Canonica sæculo XIII. in Germania recepta fuerint (o) de Jure verò Justiniano, ejusque receptione non sinè gravi argumentorum, in utramque partem, pondere, disceptari. Quandò enim Conringius, eumque secuti, receptionem istam, ad sæculum XV. rejiciunt; Rhetius verò eandem sæculo XIV. adscribit; B. Dn. Hertius, (p) indubitatè planè argumentis, & testimoniis

(m) Apud Witichindum Corbej *Annal. lib. II.* inter Meibomii *Script. rer. Germ. Tom. I.*

(n) Quanquam verò Kulpisius in *Dissert. de autor. Legum Germ. vet.* §. 23. asserat, ea quæ consuetudinum Germanicarum nomine hodiernum venditantur, revera Juri scripti Germanici capita esse, & inde habere originem; simulque Jctis Italis adscribendum suspicatur; quod sequioribus temporibus consuetudinum appellatione venerint; hanc tamen sententiam, adeò generaliter prolatam, idoneo fundamento destitutam esse, Solidè ostendit Thomassius in *notis ad d. §.*

(o) *de Orig. Juris Germ. cap. 26.*

(p) *De Orig. Juris Germ. LL. & Ind. §. 1.*

monii probatum dedit, jam tum seculo XIII. Jus Justinianicum Germaniæ cognitum, indeque in chartis, aliisque monumentis frequentem illius mentionem factam fuisse. Illud verò, quod prælaudatus Vir Celeberr. de Germania in genere, & nos de Hassia in specie asserere possumus. Quòd enim in diplomatibus seculi XIII. Hassiacis, ad Jus Civile Romanum, passim jam provocetur & aliorum relatione fide digna accepimus, & ipsi aliquoties observavimus. Antiquiora tamen, in præiens non suppetunt testimonia, quàm quæ circa initium seculi XIV. subnata. Ex illorum numero duo sequentia diplomata produxisse sufficiet, quorum primò, anno 1314. quarto Idus Aprilis exarato, Abbas & totus Conventus Monasterii in Hegene (Henna) Ordinis Cisterciensis, occasione eleemosynæ, cujus executio unà cum bonis per traditionem inter vivos, ipsis delata, sequentes clausulas superaddunt: *promittimus bona fide ipsam voluntatem piam, atque bonam, opere in omnibus suis clausulis plene & fideliter adimplere, & nunquam contravenire, verbo, opere, neque causa, & renunciamus publice & expresse omni Juri Canonico*

& Civili, omni exceptioni Juris & facti, omnique legis consuetudinis, privilegii impetrati vel impetrandi suffragio, litteris impetratis & impetrandis, cujuscunque formæ, vel tenoris existant, ac exceptioni metus causa, doli mali, & generaliter omnibus exceptionibus, defensionibus, appellationibus, & earum prosecutionibus, per quæ pia voluntas, seu eleemosina præscripta, & ipsius executio posset in posterum aliququaliter infirmari. In altero verò diplomate, anno 1318. sigillo Burgensum de Gyzen (Gessen) munito, Gislebertus, Crafftio & Senandus, fratres de Wtirshausen, Osierlindis mater, ac Elisabetha conthoralis legitima Gisleberti, renunciant omni auxilio Juris Canonici, & Civilis, omniumque consuetudinum, aut constitutionum &c. (q) His ita præmissis, id quod demon-

(q) Eodem haud dubiè pertinet, quod de LUDOVICO Pacifico Hassia

demonstrandum erat, resumimus; ubi quidem hodierna consuetudinum & Jurium Hassiacorum observantia, asserto nostro, testimonium, omni exceptione majus, perhibet; antiquiora verò tempora, quod attinet, ad *Collectionem consuetudinum & Jurium Francobergensium*, seculo XV. confectam, quæ, in *M.S.C.* illius ætatis, nobis ad manus est, provocamus; in ea non tantum locales illius oppidi, sed & nonnullæ totius Hassiæ consuetudines notabiliores, ita nobis exhibentur, ut destinatis nostris subsecuturis maximo usui esse possint, illudque simul luculeniter confirmant, Majores nostros post recepta jura exotica in vim juris communis, domestica sua instituta & jura, nequaquam, ut vulgò creditur, uno velut actu & ictu eliminasse. Autor istius collectionis, ita de se ipso loquitur: Biewohl in beyden Rechten (geist-und Welschen) gar eine strenge vollführung gebotten ist/ bey großer Pöcn des Banns/ der Acht/ und Vermaledung/ die nicht zu wandeln/ jedoch so lieset man in beyden Rechten/ daß sie in viel Orthen gute Gewohnheiten der Lande und Stätte mit einziehen/ bey den als den Befehlen rechtlich zu bleiben; hierum so hab ich Johann Emmerich/der alte/auf Verbesserung eines jeden Verständigen/ etliche der Alten Herkommen/ Gewohnheiten/ und Rechten dieser Stadt Franckenberg wollen/ zuschreiben denjenigen die hiernächst kommen/ zu vernehmen/ wie unsere Vorfahren und unsere Eltern viel solche ehrlich gehalten/ und löblich herbracht haben/ sich auch desto daß darnach zu richten/ und auch daß die Statt der nicht verlustig werden möge. (r) Ex
B
câdem,

Hassia Landgravio, Æneas Sylvius in *Hist. de Europa*, cap. 38. sub rubro de *Hassia & rebus gestis in ea*, refert: *Princeps Gentis Hassiaca Ludovicus fuit Legum cultor, quas sibi proprio sermone exponi jussit, quoties coram eo causa ventilanda erat; nec unquam compertum est iniquam sententiam tulisse.* De cetero sicut in reliqua Germania jura Romana primum innotuerunt, mox literati, studio privato excitati, eadem magni fecerunt, indeque scholas & magistros instruere ceperunt, demum in foris & curiis quoque juris auctoritatem acceperunt. Ità nulli dubitamus, receptionem istam in Hassia quoque sensim contigisse.

(r.) In præfatione, aliena manu addita, sequentia leguntur: Dies nachgeschriebene Büchlein/ hat ein vornehmer trefflicher wohlgelehrter Baccalaureus, genant Johannes Emmerich der Älte gemacht/ derselbe war ein erfahrener Mann unter allen Schüssen/ zu Franckenberg/ darn er hatte meisten Theil alle Vembder der Statt regiert/

eâdem, quam modò laudavimus, collectione consuetudinum Francobergensium, & illud tamen simul apparet, consuetudines & jura patria, jam dudum olim, haud parum conturbata fuisse, dum Autor illius, pro captu sui temporis, in defectu historię & antiquitatum Germanicarum, fabulas passim immiscuit, & ea, quę sine dubio Germanicę originis, è fontibus alienis derivare allaboravit.

§. IV. Hastenus dictis, ea nunc succedit quęstio, utrum collectiones morum & consuetudinum Germanicarum, tertio decimo seculo & deinceps, à privatis privata autoritate in unum corpus redactę, quę sub nomine *Speculi Saxonici & Suevici* hodiernum notissimę sunt, (f) Hassia nostra unquam suspexerit, aut hodiernum suscipiat; qua de re illi aliās disputant, qui, diversis studiis, vel Saxonico, vel Palarino Vicariatui Hassiam adscribere nituntur, quorum tamen causam, nostram hęc non facimus. Et quidem jus Saxonicum quod attinet, auctor commentationis *de jure representationis*, quem Goldastus Seniori suo subjunxit, disertè equidem scribit, eòdem mediani Imperii Germanici partem hactenus usam esse, nominatim Thuringos, Hassos, Silesios &c. idemque pristinus Thuringię & Hassię nexus confirmare videtur. Nihilò tamen secius Schüzius *Juris Publ. Volum. I. Exercit. V. thes. 13. lit. c.* Dietericus *ad A. B. pag. 42.* (uniquę Hassię Jcti) Sprenger *in fontibus Juris Publici pag. 176.* Limæus *ad A. B. cap. 5.*

von seinen jungen Tagen an / bis an sein Ende / dargu war er aller Berichte lauffig und dig / beyde geistliches / wereltliches / und auch des heiligen freyen Gerichts. Nun hatten die von Franckenberg viel alter Bruch und Privilegien und Freyheiten / welche dann leider meistens theils verbrandt seyn / in dem gresen Feuer / da die alle mit der neuen Stadt beydesamst all verbrandten. Und nach dem Schaden kam noch ein ander Unglück / so das die alten weisen vernünftigen Schassen alle verstorben / und vergingen. Als nun der genannte Johannes Emmerich an seinem letzten End sah / das etwel nunge Raubs-Herren zu kommen waren / da machte er dies Büchlein denen von Franckenberg / auff das die Stadt ihrer alten Herkommen und löblichen Gemeyheiten nicht verlohren würde / seiner dabei zu gedencken. Conf. Chronic. Francobergense *ad annum 1505.*

(f) De quorum natalibus, fontibus, idiomaticè, autoritate, defectibus, & differentiis, quę alii observarunt huc non conducemus, conf. Hert. *d. l. §. 13.* Werlhoff. *d. l. Thomafius Select. feud. pag. 66. & seq.* ibique allegata Schilteri. *loc. a.*

cap. 5. §. 2. observ. 5. & cum iis Hertius d. l. Giovanni Germ. Princ. sub Saxon. cap. 3. §. 26. lit. u. Weithoff Dissert. de Jure quo Germ. utuntur, cap. 2. §. 10. lit. c. constanter asserunt, Saxonice legibus in Hassia nullam auctoritatem constare, nec unquam constituisse. Ex altera parte, Suevici juris, nullum amplius superesse usum testatur Speidelius. in thesauro Pract. verbo Schwaben Spiegel! cui tamen ea rursus adversantur, quæ Goldastus in pref. der Reichs o Händel p. r. attulit. Enimverò in tanto Dd dissensu, illud primò expeditum est, utrumque & Saxonicum & Franconicum jus, non solum per maximam Germaniæ partem, sed & per exteras terras nonnullas dudum olim se expandisse. Deinde & illud constat, in Hassia, uniformes consuetudines ne hodie quidem deprehendi, quin potius easdem in nonnullis articulis cum singulis Præfixuris variare Vel sola etiam compilatio consuetudinum Francobergensium in §. præced. allegata, evincit, privatam istam collectionem Juris Saxonici, in Hassia non incognitam, quin potius in maximo pretio fuisse, quippe ad quam Autor istius passim provocat. Sed & Juris Alemannici usum aliquem, in Hassia dudum olim fuisse, alibi, quando ad specialiora pervenerimus, in materia successionum (t) pluribus argumentis probatum dabimus. Indeque asserere nulli veremur, utrique collectioni & Saxonici & Suevici Juris, privatorum usu ad minimum, auctoritatem suam in Hassia, pro diversis illius partibus, quondam constituisse. (u) Imò, si conjecturis locus, ista, quam diximus consuetudinum varietas, exinde haud parum fortè adaucta fuit.

§. V. Interea temporis, dum Hassia jure non scripto potissimum usâ, alicubi locorum (perinde ac in reliqua Germania fa-

B 2

ctum

(t) Quippe in quâ, collectiones istæ vel maximè discrepant.

(u) Utrum verò Statuta inclutæ Academiæ Gieslenæ, quando Tit. 31. Jus Francorum & Saxonum Antecessoribus suis commendant, additâ ratione quòd illis universa propemodum Europa in multis partibus hodiennè natiur, ad Hassiam seorsum respiciant, alii viderint.

Quam (v) pravæ nonnullæ consuetudines simul irrepperunt, quas, ut eradica-
rent, *Serenissimi Hassiæ Principes*, providâ curâ deinceps alla-
borârunt. Idipsum, Rescriptum, quod **LUDOVICUS**

Hassiæ Landgravius, Cui, è divisione **Paterna**, Princi-
patus ad Lanum obtigerat, ad Magistratus & Præfectos suos hoc no-
mine emisit, vel maximè comprobat, cujus tenorem proinde heic
inferemus: **Wir Ludwig von Gottes Gnaden**

Landgraff zu Hessen etc. Nachdem Unsere Unterthanen sich nun-
zu etlich mahlen an uns unterthänig beklaget / daß hin und wieder viel böser
Gewohnheit wären / dadurch je bißweilen auch die Kinder von ihrer Eltern /
auch die nechsten Bluts-Verwanten von ihrer abgestorbenen Freunden hinter-
lassenen Erbschafft ganz unziemlich ausgeschlossen würden / und mit Fleiß er-
beten / daß Wir darin gnädiges Einsehen vorwenden wolten / Wir Uns auch
hierauff gnädig erkläret / und darunter Unseren Râthen auferleget / solchem
ganz nothwendigen Werck mit allem Fleiß nach zu denken / und dasselbige /
mit erster Gelegenheit vor die Hand zu nehmen / und zu der vorlängst anbe-
gereten Würcklichkeit zu bringen. Aber gleichwohl zu desselben Eingang sich
erüget / daß man zu solcher Aenderung / und Abschaffung angezogener böser
Gewohnheiten nicht wohl kommen und schreiten mögen / man habe dann zu-
vor Gewisheit / wie es in etlichen benannten Fällen / nach gemeinem Statt und
Land Brauch biß daher seye gehalten worden / so thun Wir euch hiormit die-
selbige Fälle. (quos casus infra cap. 3. § fin. enumerabimus) in sondere
Bragstücke verfasst zu schicken / und befehlen euch daruf gnädig / daß ihr nicht
allein vor euch selbst / sondern auch mit zu thun etlicher der Ältesten so dessen
Wissens haben / und auf dieselbe Puncten sambt / und einen jeden insonder-
heit / und also von den biß daher bey euch in Ambt und Stadt üblichen Rech-
ten einen

(v) Quam facile, id ipsum in defectu Legum scriptarum contingat, reli-
qua Germania exemplo suo comprobat: Vid. Ordin. Crimin. Carolina artic. 218.
juncta tamen Beyeris Delinæ: Juris Crim. ad d. l. Et quanquam Dn. Thoma-
sus, in Dissertatione, quâ morum cum Jure scripto contentionem instituit, ju-
dis rationibus suffultus defendat: præstare Rempublicam bonis moribus uti, quam
bonis Legibus, constantiam tamen ejusmodi morum ibidem non asserit, sed
supponit, quam in tanta hominum imperfectione, ne quidem sperare licet. v.

ter einen eigentlichen und gewissen Bericht erstattet/ etc. Dat. Marburg am 26. November Anno 1577. (w)

§. VI. Quodsi nunc porro (seclusis iis, quæ de Reecessibus Imperii, aliisque Legibus Germaniæ universalibus dici possent) ad reliqua Jura Hassiaca in scriptis promulgata pergamus: Constitutiones Principales, tum & singularum Urbium quarundam statuta, memoranda veniunt. Antiquiores Constitutiones (de recentioribus §. §. seq. dicemus) quod attinet, de iis, quæ ante seculum XIII. & XIV. subnatæ, ut alibi, ita in Hassiâ quoque vix certi quidpiam dici potest imò & plurimæ, dictis seculis promulgatæ, vel perierunt, vel in occulto etiamnum latent. (x) Sicut etiam in reliqua Germania, Regionum Domini, urbibus mediatis, jus statuta condendi, non raro dederunt, salvâ tamen ubique majestate suâ (y) ita Principali Clementia, nonnullæ urbium Hassiacarum, idem antiquioribus seculis obtinuerunt; idque exemplo Francobergi, à *Chronico Francobergensi ad annum 1294.* probavit Hertius. (z) De Grumbergo quod Diploma, quod *supra* §. 2. citavimus, idem his verbis testatur: *Insuper concedimus ut dilecti cives nostri quidquid ad honorem & profectum ipsorum proprio statuerint ex arbitrio, possint cum voluerint revocare.* Et in diplomate quod HENRICUS II. Ejusque Filius OTTO, *Hassiæ Landgravi* Anno 1357. postridie Festi S. Nicolai, Marburgo nostro concesserunt, inter alia legitur: *Was Gesezes unsre Scheffen und Rath zu Marburg machen sehen oder entsetzen / uns unserm Lande / und der Stadt zu Eren und zu Noke / uff yren Eyt / wer das freybelich strafete oder widerstunde under unsern Bürger zu Marburg / der soll ein Jar uff der Stad syn / und soll Uns bussen zehen Punt Pennige /*
B 3 *iglichem*

(w) Jam ante WIEHELMUS H. L. in Ordinatione *sequ. §. 7. alleg.* conquestus fuerat: Daß in diesen Züschenthum und Graffschafften / mancherley Ewohnheit und Übung / die zu Zeiten einander widerwärtig erfunden würden.

(x) Vid. Conring. *de Orig. Jur. Germ. cap. 27.*

(y) Cujusmodi statuta dicebantur *Rechre / sive Willführ /* vid. Speidelius & Wehnerus in *thesaur. pract. d. 46.*

(z) *De Superioritate terris. §. 25. in not.*

iglichem Burgkman der zu Marburg geſeſſen iſt / und iglichem Scheffen fünf ſchwere Pennige / und unſer Stadt gemeinlich ein ſuder Wpns. Iſt en aber dan / daß das Geſeke unſer Land anginge das ſolten Sie mit Unſers Amtmans Wiſſen und Willen thun.

ſ. VII. Recentiori verò ætate, mutata judiciorum ſtatu, & rerum civilium indole, ita exigentibus, variæ Ordinationes Judicialiæ & Provinciales, (ut vocant:) in Haſſia conſectæ ac promulgatæ fuerunt. Illas inter primo loco ſe nobis offert. Die Gerichts-Ordnung / ſo der Durchl. Fürſt und Herr / Herr

Wilhelm Landgraff zu Heſſen / Anno 1497. an der Löne / auffgerichtet und geordnet (a) Eam ſecuta **PHILIPPI Magnanimi** Reformation Geſetz und Statuten Anno 1527. publicatæ, & Anno 1559 adauctæ. Abhinc cum *Divi Fratres: WILHELMUS, LUDOVICUS, PHILIPPUS & GEORGIUS Haſſiæ Landgravii*, diviſis Territoriis imperarent, communicato conſilio id egerunt, ut Ipſorum auſpiciis uniforme Jus Provinciale Haſſiacum conſiceretur, cujus exemplum quoque hodie-num extat. Quemadmodum verò aliàs dicitur, *nullam rem conſummatam eſſe, dum incipit*, (b) ita quoque cum primâ iſtâ colle-ctione des Heſſiſchen Land-Rechts ſuit factum. Cumque ſuperiori ſeculo *Sereniſſimi Haſſiæ Landgravii, utriusque Lineæ & Caſſellaneæ & Darmſtadine* ſecum expendere, ex inſtituto optimæ Reipublicæ, & pulchrum, & utiliſſimum fore, ſi uniformes Leges in Haſſia uni-verſa & ſingulis illius provinciis vigeant, ſimulque animadverterent(c) priorem

(a) Recuſa Marburgi anno 1557. Ad eandem provocavit Ferrarius Montanius *Conſil. Marburg. Volum. 1. Conſil. 2. num. 6.*

(b) Ut Senecæ illud *lib. 6. quaſt. natur. cap. 5.* noſtrum faciamus.

(c) Ut de eo jam non dicamus, anteriores Ordinationes ad præſentem, uni-formem ſtatem, haud deductas peræque fuiſſe, quo pertinet exemplum à Fer-rario d. 1. allegatum.

priorem *Juris Hassiaci* collectionem, non uno intuitu adhuc imperfectam esse, eidem instituto feliciter perficiendo, Anno 1651. certos *Consiliarios & Antecessores* non exotici solum, sed & Patrii *Juris* scientissimos, & prudentia legislatoria instructos, designarunt, qui priusquam operi manum admoverent, consuetudines à singulis, universæ Hassiæ, Urbibus & Præfecturis collectas, sibi ob oculos posuerunt, iisque prædiis adjuti, destinata egregio successu executi sunt. Eadem commissio deinceps aliquoties iterata, & prioribus interim defunctis, aliis Hassiæ Eruditis rursus demandata fuit. Interim, ne sic quidem, ob varia, quæ intervenerunt, impedimenta, institutum hocce ad suum fastigium perducere potuit. Indeque recentiori isti collectioni *des Hesse'schen Land-Rechts* privato ausu non ita pridem typis vulgata, Principalium Constitutionum robur nondum accessit. Reliquas Ordinationes in *Territorio vel Castellano*, vel *Darmstadieno* promulgatas, nec non, quæ *Utriusque Lineæ Principalis* communia Tribunalia attinent, hic ut enumeremus, instituti ratio nunc quidem haud permittit.

§. VIII. Nec minus per *Constitutiones Principales*, novioribus temporibus seorsim promulgatas, saluti & securitati Hassiæ egregie prospectum est. (d) Ex quo enim **PHILIPPUS Hassiæ Landgravius**, Cui Magnanimitas, & rerum gestarum magnitudo, æternum *Magni & Magnanimi* Cognomen induit: ex quo, inquam, Heros Ille invictus, saluberrimis Constitutionibus subditis suis, Divinâ providentiâ dirigente, in Ecclesiasticis & civilibus felicissimè prospexit. Sanctissimum hocce exemplum *Principes Successores* providâ curâ, imitati sunt. Inprimis verò **SERENISSIMI ET POTENTISSIMI HASSIÆ LANDGRAVII, PRINCIPES & DOMINI REGENTES, PATRIÆ PATRES CLEMENTISSIMI**, sub **QUORUM** manû-

(d) Quædam insignis collectio, instituto huic egregie profutura, nobis, dum hæc scriberem, ad manus est.

mansueto & felicissimo Regimine, Hassia Regiones quâ patent in suo flore persistunt, subditis Suis, in utroque *Landgraviatu*. innumeris fere Sanctionibus pragmaticis & Edictis clementissimè subvenerunt. Ut adeo vel hoc intuitu subditi Hassiaci felicitatem suam devotâ mentis veneratione agnoscere necessum habeant. Quodsi enim maximam felicitatis suæ partem meritò æstimat populus, quod Principes ipsi contigerint, seriam dantes operam, ut præcipui & maximè eminentes defectus, statûs Ecclesiastici, Politici & Oeconomici aboleantur: (e) Subditis certe Hassiacis, *bona se sua norint*, nihil hac in parte deerit. quorum saluti & securitati Constitutionibus memoratis, plenissimè & clementissimè prospectum est. (f)

(e) Felicitatem subditorum maximam in eo revera consistere, solidè demonstravit Dn. Thomasius, in Dissertat. *de Felicitate Subditorum Electoralium Brandenburgicorum ob emendatum statum Eccl. & Polit. per Edicta Elector.*

(f) Quodsi itaque hætenus dicta in unam summam colligimus: apparet inde, Jura (ut de Divino inter gentes omnino omnes vim suam exerente, jam non dicamus,) in Hassia hodiernum usitata, partim patria, partim aliunde adscita, illa rursus vel universalia vel particularia, utraque hæc vel scripta vel non scripta esse. Utrum verò in concursu principiorum Juris Patrii antiqui, & exotici, Romani imprimis, pro hoc, an pro illo stet præsumtio, quæstio est non Hassiam solum, sed Germaniam universam attinens, cujus momenta in utramque partem, uno intuitu exhibuit Excellent. Dn. Ludolph in eruditiss. *Traët. de Jure Fam. illustr. in præf.*

CAPUT SECUNDUM,

DE

*Libertate circa Sacra, Hassiæ diu
ante Reformationem asserta.*

§. 1.

INter reliqua singularia & Antiqua Hassiæ Jura, *libertas* eminet, planè insignis, qua *Ecclesiæ Hassiæ* hoc ipso gavisæ sunt, dum *Serenissimi Landgravii*, pluribus ante Reformationem seculis, *Jus circa Sacra* Sibi vindicârunt & exercuerunt. Non uno equidem in sensu *libertas* de Ecclesia prædicatur. (g) Et quando inter Ecclesias, sacris Catholicis hodiernum addictas, non aliæ majore libertate gaudent, quàm Regno Galliæ (h) comprehensæ (i) hæc ipsa tamen in eo potissimum consistit, dum Clerus Regni, omni conatu id agit, ne à nutu Sedis Romanæ dependeat, quin potius in regimine Ecclesiastico, eximias partes obineat, de cetero, pro insigni erga Regem suum affectu, Regia in Ecclesiam jura potius defendat, quàm alieno arbitrio eadem permittat. (k) Illa verò *libertas*, quam

C

Ecclesiæ

(g) Diversas istas significationes, illustr. Galliz Archi-Episcopus Petrus de Marca integro opere *de concordia Sacerdotii & Imperii*, imprimis *Lib. 3. cap. 1. §. 3.* pluribus exposuit. Quo verò in sensu, vocabulum *Ecclesiæ* nobis hic veniat, quilibet faciliè animadvertit, conf. Dn. Böhmer, *Juris Eccles. Lib. 1. Tit. 33. §. 19.*

(h) Ut & in Republ. Venetâ; quò pertinet P. Servitæ *Historia particolare delle cose, passate etal' sommo Pontefice Paolo V. e la Serenissima Rep. di Venetia.*

(i) Libertatem istam Ecclesiæ Gallicanæ, Petrus de Marca, in prælaudato opere egregiè adstruxit: de eadem, hodierni motus, sat noti, abundè testatur.

(k) Conf. Dn. Böhmeri *Observat. selecta ad P. de Marca d. lib. 3. cap. 1.*

Ecclesijs Hassiacis ante Reformationem quæsitam esse asserimus, in eo unice consistit, quod eadem à variis exactionibus liberata, intuitu *Juris circa sacra* (in quantum illud, sub ambitu summæ Potestatis, & Superioritatis Territorialis, eidem analogæ, continetur) legitimis *Principibus & Dominis* totius Hassiæ, jam tum subfuerint. (l)

§. II. Ex quo nimirum majori Imperii R. G. Reipublicæ, ejusque Capiti, *jus*, quod diximus, *circa sacra*, (cum antea sub Regno Francorum (m) inconvulsam perstitisset) in partibus insignioribus ereptum fuit; (n) Procures Imperii complures; id indignè terentes, per subjectas Sibi Regiones, Superioritati Territoriali, ad fastidium assurgenti, *jus isthoc circa sacra* strenuè vindicârunt, ac deinceps Episcoporum, aliorumque Ecclesiæ Ministrorum constitutione, Legum latione, Judiciorum institutione, reipsâ exercuerunt. Quam in rem luculenta exempla & testimonia protulit Hertius (o) Novissimè quoque idem argumentum Johann Georgius Reinhard, Consiliarius Saxonicus in tractatu, superiori anno edito, *de Jure Principum Germaniæ, præsertim Saxonie, circa sacra, ante tempora Reformationis exercito*, professâ operâ pertractavit. Indeque præfatum Jus in nonnullis Imperii Legibus ante Reformationem promulgatis, nec non deinceps in Transactione Passaviensi, Pace Religiosa, & Westphalica, Regionum Dominis, quibus convenit, asserum fuit, velut diu ante exercitum, & longævo usu conservatum. (p)

§. III.

(l) Planè ut *populum liberum* aliàs dicimus, qui alienigenam dominum non agnoscit, quæcunque etiam imperii forma utatur, vid. Huberi *Digress. Justinian Lib. I. cap. 14. §. 3.*

(m) Vid. Hertii *notitia Regni Franc. cap. 4. §. 2. 3.*

(n) Vid. Conringii *Exercit. de Constitut. Episc. Germ. H. Meibomii, Dissertat. de Jure investit. Episcop.*

(o) *de Superiorit. Territ. §. 3.* add. Dn. Böhmer *Juris Eccles. Lib. 1. tit. 13. §. 35.*

(p) Loca cõ pertinentia collegit Reinhard *dist. pag. 13 - 63.*

§. III. Quanta verò, quamque insignia Jura, *Serenissimi Hassie Landgravi*, pluribus ante Reformationem seculis, circa Sacra exercuerint, monumenta illorum temporum, quæ supersunt, abundè testantur: è quorum numero sequentia tantùm, hæc vice, hûc con-
ducemus. Et primò, quidem locò, id, quod diximus, *supra me-*
moratum diploma insigniter adstruit, in quo **HENRICUS I.**
Hassie Landgravius, anno 1272. Civibus Grunbergenſibus ità ca-
vit: *consuetum quoque fuit ibidem ab antiquo quod & nos fieri volu-*
mus, quòd nullus Prelatus habere debeat jura synodalia penes ipsos,
vel synodo presidere. Nihilominus tamen Plebanus ibidem excessus
qui fuerint in spiritualibus corrigendi sibi ad Scabinorum consilium
vendicabit. Prohibemus etiam quod nullus eos citet, vel excommu-
nicet, injungentes eisdem quod semper & in omnibus parati sint coram
Sculeto nostro, & prout à Scabinis dictatum fuerit, per omnia stare
juri. Exinde enim apparet, Principes *Hassie* jam tum Seculo XIII.
Synodorum institutionem & præsidium, potestati Sux vindicasse,
quod ipsius deinceps variis (q) pactis & transactionibus, cum Dioce-
sano initis, confirmatum fuit, Indeque & in diplomate (quod
cap. I. §. 6. citavimus) anno 1357. Marburgo nostro concessio, cautum
legitur: auch en sal nymant über Unser Bürger Eehend sigen / wie Unser
Eidern / und wir das herbracht han. (r) Et quando in sequentibus verbis,
eiusdem diplomatis, *licentia excessus in spiritualibus corrigendi, Plebano*
(s) non aliter conceditur, quàm si ad consilium Scabinorum id fiat: inde simul
confirmatur, *Hassie Landgravi*os jam illo tempore *Jurisdictionem Eccle-*
siasiticam Sibi vindicasse, ac per Magistratus Suos eandem exercuisse. (.) Ipsas
quoque

C 2

-
- (q) Quorum nonnulla collegit Hertius d. §. 3. de superior. terris.
(r) Conf. Schottelius de singul. & antiqu. Germ. Juribus cap. 6. vom
Eend. Recht.
(s) i. e. Ecclesiæ parœcialis Rector, sive Pastor, ad differentiam Capel-
lani ità dictus: Vid. du Frêne in Glossario verb. Plebanus, Lambecius rerum Ham-
burg. Lib. 2. num. 444. 447.
(t) Idemque per pacta & transactiones ab Hertio d. l. citatus, deinceps
pluribus confirmatum fuit.

quoque personas Ecclesiasticas à subjectione territoriali non omnino exemptas fuisse, diploma **HERMANNI**, H. L. de anno 1392. (u) evincit, *ibi* auch sollen Sie Uns und Unseren Erben gehorsam und unterthänig seyn / als andere geistliche Leute / die in Unserem Fürstenthum wohnen / und wider Uns / Unsere Erben und Fürstenthum nicht seyn &c. Et prout aliis quoque Imperii Proceribus, insignia jura in Monasteria & Ecclesias suæ ditionis, inprimis vigore Advocatiæ, jam olim competuisse probavit Hertius. (x) Ità, quàm eximia *Principum Hassiæ* potestas & hæc in parte fuerit, vel inde apparet, dum Monasteria in Suis Territoriis dudum ante Reformatam Sacra, sæpius reformarunt, eorumque defectus emendarunt. (y) Pariter & illud seorsum expendi meretur, quòd in sæpe memorato diplomate Civibus Grumbergensibus prospectum fuerit, *ne quis eos citaret, vel excommunicaret*: Isthæc enim prohibitio satis evincit *Jus Placiti*, (z) ut vocant, *vigore cujus nulla mandata, bullæ, aut gratiæ publicari possunt, nisi datâ prius à Domino Regionis veniâ*, in Hassiâ quoque obtinuisse. Præterea ut in aliis Regionibus, (a) ità in Hassiâ quoque prohibitio alienationis rerum immobilium in personas Ecclesiasticas (quam vocant *Das Verbott sein Gut zur Ewigkeit zu verkaufen*) & olim obtinuit, & hodiernum in suo vigore persistit.

(u) Extat illud in *Chron. Francoberg. ad d. annum.*

(x) *De jact. Libert. Ord. Cister.* ubi simul *Seß. III.* luculenter evincit, *Advocatiæ* istam, non nudam defensionem, sed jurisdictionem insuper comprehensisse.

(y) Vid. de **LUDOVICO Pasifico**, *Aneas Sylvius d. cap. 38. Histor. Europ.* de **WILHELMO Medio**, & **PHILIPPO Magnanimo** *Dillichius, ad ann. 1506. & seqq.* alia quoque exempla *Chronica Hassiæ MSC.* passim exhibent.

(z) Id ipsum à Canonistis quoque defendi, & non solum in Regionibus quibusdam Germaniæ, sed & exteris Rebus publicis nonnullis observari, ostendit Hertius *de superiorit. territ. §. XI. in fine.*

(a) Vid. Hertius *d. §. XI. pag. 255.*

persistit. (b) Denique ut finiamus, instrumentum Investituræ super Hassiæ Principatibus, jam anno 1495. à MAXIMILIANO I. IMP. concessum, in eoque Regalium facta expressio, in specie: den Ober- und Nider-Gerichten/ Freystühlen/ dem Bann über das Blut zu richten/ Gewohnheit/ Besigungen/ Eigenschaften/ Stiftern/ Clöstern/ Vogteyen/ Obern/ and Niedern Mannschaften/ Herschaften/ Lehen/ Lehenschaften/ geistlichen und weltlichen zwingen/ bannen/ &c. (c) satis declarant, præter supra enumerata, & alia eximia jura circa sacra, Serenissimis Hassiæ Principibus, diu ante tempora Reformationis competuisse.

§. IV. Quancumque verò Legibus Imperii Publicis & Fundamentalibus, *jus isthoc circa sacra*, Principibus Protestantibus ita nunc assertum & confirmatum sit, ut tot pactis stabilitam, tot Legibus firmatam potentiam, contra injusta quævis molimina tueri & possint, & valeant: Nihilò tamen secius, plurimum refert, & illud extra omnem dubitationis aleam positum esse, quòd Legibus istis, *Jus circa Sacra* Principibus Protestantibus, non tam datum, quàm restauratum sit. Eòque intuitu omnino operæ pretium polceret, ut singula jura supra enumerata, è monumentis fide dignis, seorsim prolixius exponeremus: quod ipsum tamen ad subsequentem specialiolem tractationem, nunc quidem reservamus. Interim non abs re esse, nec Lectori ingratum fore speramus, si *Bullam Papalem*, Marburgo nostro olim concessam, hæc occasione, heic inseramus.

C 3

MARTINUS

(b) Idipsum diploma, quod è Chron. Francobergensi supra *lit. n* adduximus non solum confirmat, sed etiam diploma Marburgo Anno 1557. datum, quod *cap. l. §. 6.* citavimus diserte exprimit, in quibus illud imprimis memorabile, quod non tantum alienationem inter vivos prohibeant, sed etiam de bonis immobilibus, per ultimam voluntatem ad Clericos delatis; quod ea civibus cujusque loci ostendenda sint, disponant. Add; Ludovici V. Constitutio Anno 1577. impressa, in qua ad anteriora Edicta simul provocatur.

MA^RTINUS * *Episcopus servus servorum Dei.* Ad perpetuam rei memoriam: Humilibus & honestis supplicum votis illis præsertim que Divini cultus augmentum & Christi fidelium pacem & animarum salutem respiciunt libenter annuimus illaque quantum cum Deo possumus favoribus prosequimur oportunit. Sane sicut pro parte dilecti filii Nobilis Viri ** LUDEVICI *Landgraviæ Hassiæ nobis exhibita petitio* continebat sepe contingit opidum Martpurgen, Moguntine Dioc. eam ejus suburbiis ipsius *Landgraviæ dominio* immediate subjectum ex eo ecclesiastico subijci interdicto, quod persone excommunicationis sententia innodate, & quibus est ecclesiæ interdictus ingressus, à iudicibus tam a sede apostolica vel ejus legatis deputatis seu eorum subdelegatis sive commissariis diversis fungentibus auctoritatibus, quam etiam ab ordinariis Civitatum & Dioc. Moguntin. ac. aliorum locorum ad opidum prædictum aut suburbia ipsius declinant, & ibidem comedendo vel bibendo, seu dormiendo, aut tractando, seu placitando moram trahunt, & quandoque propter adventum & moram personarum hujusmodi Clerum opidi & suburbiorum prædictorum

* Pontifex hic, durante Concilio Constantiensi, anno 1417. ipso die Martini electus fuit, unde *Martini V.* nomen assumpsit, cum antea *Otto de Colonna* diceretur, sedie per annos 13, menses 3. dies 10. Ea, quæ ad vitam & res gestas pertinent, ex *Actis Concilii Constantiensis*, à B. Dn. von der Hard editis, nec non ex *Actis Concilii Senensis*, Lutetiz Paris, anno 1612. impressis, certius colligi possunt, quàm è Platina, aliorumque traditionibus. De hoc Martino V, vulgò dicitur, quod pauperissimus Cardinalis, & ditissimus Pontifex fuerit, *indulgentias, ab eodem concessas, Magistrum Leonhardum de Suvinsfurt, profectum, in Hassiam attulisse; pecuniam verò inde redactam, iussu Ludovici Parisi; H. L. Cassellii, reparations Ecclesiæ ad S. Martinum, impensam fuisse*, Chronicon Hassiæ M&C, ad ann. 1440. memorat.

** Curiz Pontificiæ stylo, Duces & Principes, eosque solos, non etiam Comites & Barones, Nobilium Virorum titulo ornati, cum scripsisset B. Dn. Eybenius, *Elekt. feudat. cap. 9. §. 19.* Fricthii censuram eò nomine incurrit, qui in *Dissert. de fundo solari, manifestâ* 1. exempla Bullarum, ad Comites Schvvarzburgicos emendarum, potissimum objecit. Et cum in *Dissertat. de Titulo Nobili*, Eybenius eidem respondisset, à Thulemario quoque, *de Obligat. cap. 8. §. 9.* eò nomine denuò reprehensus fuit. Abhinc in *Dissert. Stylus Curia in titulis plumbens, vel ceræ inscripta*, utrique satisfacere allaboravit, styli Curiz inconstantiam, temporum circumstantias, personarum condiciones, pro exceptione à regula potissimum allegans; ipse tamen simul varia exempla proferit, Bullarum, cum elogio Viri Nobilis, ad Comites directarum. Utcunque verò olim se habuerit, *Protestantes Germaniæ Duces ac Principes*, tributo sibi à Pio V. PP. Nobili elogio, jam tum non amplius acquievisse, Thuanus *Hystor. Lib. 28. men. 188.*

dictorū per certos dies seu mensem, vel menses post dictarum personarum ab oppido & suburbiis hujusmodi recessum sequentes, prout ex provincialium vel synodaliū constitutionum vel processuum, seu mandatorum apostolicorum, vel ordinariarum, quorum autoritate tales persone excommunicate sunt & ipsis hujusmodi ecclesie ingressus interdictus existit, forma tenentur: oportet absque dilectorum filiorum Proconsulum Consulū & universitatis opidi & suburbiorum predictorum culpa, penitus cessare à divinis, propter quod ibidem Christi fidelium lensesit devotio & plerumque animarum succedunt pericula ac odia & scandala inter hujusmodi clerum & populum excitantur. Quare pro parte dicti *Lanigravii* nobis fuit supplicatum ut eisdem Proconsulibus Consulibus & universitati super hoc de oportuno remedio providere de benignitate apostolica dignaremur. Nos igitur qui divinum cultum & Christi fidelium devotionem augeri ac animarum periculis & scandalis obviare intensis desideriis affectamus, volentesque dictum opidum in cuius etiam unius suburbii ecclesia, ut asseritur corpus sanctæ Elisabethæ vidue venerabiliter conservatur, & a Christi fidelium multitudine devotius honoratur, specialis prerogativa favoris decorare, hujusmodi supplicationibus inclinati, prefatis clero Proconsulibus Consulibus & universitati ut postquam hujusmodi persone etiam apostolica vel ordinaria aut alia quacunque auctoritate excommunicate, & quibus ecclesie est interdictus ingressus sique ad opidum vel suburbia hujusmodi absque ipsorum proconsulum consulum & universitatis voluntate accesserint & ibidem comedendo vel bibendo seu tractando vel placitando seu alias moram traxerint, de ipsis opido & suburbiis eum effectu expulse fuerint seu recesserint iidem Clerus possint in Ecclesiis & Capellis eorundem opidi & suburbiorum in Proconsulum Consulū & universitatis predictorum ac aliorum Christi fidelium presencia, excommunicatis & interdictis exclusis, missas & alia divina officia apertis januis, etiam pulsatis campanis & alta voce per se celebrare, vel per alios ydoneos facere celebrari, ac ipsis Proconsulibus Consulibus & universitati nec non incolis & habitatoribus eorundem opidi & suburbiorum ecclesiastica sacramenta alias tamen rite ministrare seu facere ministrari. Dummodo ipsi Proconsules Consules & universitas, aut aliquis vel aliqui ipsorum causam hujusmodi non dederint interdicto & opidum ac suburbia predicta, specialiter non fuerint simili supposita interdicto, nec id ipsis Proconsulibus Consulibus & universitati seu alicui vel aliquibus eorundem contigerit interdicti, auctoritate apostolica tenore presencium indulgemus, non obstantibus apostolicis ac hujusmodi provincialibus & Synodalibus constitutionibus & aliis contrariis. Nulli ergo omnino hominum liceat hanc paginam nostre cōstitutionis infringere vel ei ausu temerario contraire. Si quis autem hoc attente fuerit indagationem omnipotentis Dei & beatorum

Petri

Petri & Pauli Apostolorum ejus se noverit incursum. Datum Rome apud Sanctum Petrum iiii. non. aprilis Pontificatus nostri anno septimo. *** **



S. V. Quodsi nunc bullam hanc Papalem paulò penitus inspiciamus, contenta illius non uno nomine singularia esse, faciliè apparebit. Quanquam enim de Jure Canonico, fulmini excommunicationis, ea vis tribuatur, ut communicans cum excommunicato, excommunicationem minorem, interdum etiam majorem, incurrat (d) vicissim tamen & illud constat, suppositum isthoc Juris Canonici, ut in aliis casibus (c) ità vel maximè tunc officium suum perdere, quoties

*** Adeoque natales hujus Bullæ in annum 1424. incidunt.

**** Bullam plumbeam à serico funiculo, rubri & flavi coloris (cuius aliàs casubino utantur) dependente, simul delineari fecimus. Ut ut enim post Tholematii Tractat. de bulla aurea, Argentea, plumbea &c. Dn. Heineccius in eruditissimo *Synagmati Hist. de Sigillis*, Tab. 2. & 4. Ant. Weck in *descript. Dresda*, pag. 182. 240: & alii ejusmodi bullas, cum inscriptione SPA. SPE i. e. S. Paulus Apostolus, S. Petrus Episcopus, vel ut alii legunt S. Paulus, Sanctus Petrus, jam exhibuerint, & descripserint, quia tamen vel exinde magna c'usmodi bullarum diversitas apparet, præsentia, quoque figaram, Lectori, harum rerum curioso, communicare voluimus. De cetero, quoruplicia sint sigilla, quibus Pontifices utuntur, ex quo tempore imagines Petrum & Paulum Apostolos referentes, bullis plumbeis primum impressæ fuerint; Cur S. Paulus ad dextram, S. Petrus ad sinistram in iis collocetur, & quæ sunt alia, prælaudatus Heineccius, d. l. part. 1. Cap. 9. accuratè exposuit.

(d) Vid. Gonzalez ad cap. 18. X. de sentent. excomm.

(c) Quos Canonistæ his versibus complectuntur: *Utile, lex, humile, rursus ignorata, necesse, Hac quinque solvunt, anathema ne possit obesse.*

